

**Anekso serka e reakshon di Gabinete riba Informashon di Konseho di Estado (Raad van State) i Investigashon di Maneho Interdepartamental di Relashonnan di Reino**

<b>Raad van State</b>	
<b>Rekomendashonnan pa e fase di transishon</b>	
<b>Rekomendashon:</b>	<b>Reakshon di Gabinete</b>
1. Investigá kontinuamente pa loke ta trata e aplikabilidad di legislashon supstansial si diferensiyashon ta nesario. Hasi esaki a base di kriterio kla i mas eksakto posibel, den kua tambe ta embolbí eksplisitamente e pregunta si legislashon ta realisabel na e Entidad Públiko.	E Gabinete ta tuma e rekomendashon aki over. Ora ta trata legislashon i regulashon nobo i adaptashon di legislashon i regulashon eksistente semper mester wak si i kon por deklará e legislashon aki aplikabel den Hulanda Karibense i si diferensiyashon ta nesario. E Gabinete lo bai konkretisá e kriterionan a base di kua ta disidí si mester apliká diferensiyashon mas aleu den legislashon pa loke ta trata Hulanda Oropo i/òf riba e islanan entre nan.
2. Prepará agènda di ehekushon pa e fase di transishon. Sòru pa finansiamentu di e palabrashonnan hasí den esaki via e Fondo-BES i duna e Minister di BZK un ròl di kordinashon den esaki.	E Gabinete ta tuma e rekomendashon aki parsialmente over. E Gabinete ta konsultá ku e gobièrnunan insular tokante kua manera por duna kontenido konhuntamente na e agèndanan di ehekushon, mirando e nesidatnan di e Entidatnan Públiko i e forsa di ehekushon disponibel riba e islanan. Ora ta prepará e agèndanan di ehekushon lo pone atenshon tambe riba e repartishon di tarea entre Reino i Entidat Públiko, e invershonnan i e fluhonan di finansiamentu rekerí, e kambio di legislashon i regulashon rekerí i e fortifikashon nesario di forsa di gobernashon i ehekushon.
3. Fortifiká e posishon di e Gezaghèber i di e Sekretario Insular.	E Gabinete ta tuma e rekomendashon aki over. Lo elaborá riba e kontenido eksakto mas aleu den konsulta ku gobièrnunan lokal.
4. Sòru pa mas fortifikashon i profeshonalisashon di e gobièrnu lokal i e atministrashon públiko, dor di proveé un programa di estudio struktural. En konekshon ku esaki sòru tambe pa mas fortifikashon di e situashon sosial-ekonómiko riba e islanan i pa e ròl di RCN komo organisashon di ehekushon.	E Gabinete ta tuma e rekomendashon aki over. E Gabinete ta intensifiká e fortifikashon di e gobièrnu lokal i e atministrashon públiko pa medio di asistensia tékniko, stazje, estudio i programa di entrenamentu i koperashon ku munisipionan oropo hulandes. E Gabinete ta fortifiká e situashon sosial-ekonómiko pa medio di e medidanan manera deskribí den e reakshon di gabinete punto di referensia siguridat di eksistensia Hulanda Karibense i pa medio di invershonnan èkstra pa redusí gastu. Denter di RCN ta traha riba mas integrashon, koherensia i uniformidat di suministro di servisio.

<p>5. Anulá e funshon di Representante di Reino. Pone su tareanan di supervishon serka e Gezaghèber òf e Minister di BZK.</p>	<p>E Gabinete ta di akuerdo ku e liña general di e rekomendashon aki. E Gabinete lo bai investigá si por trasladá un parti di e tareanan di supervishon pa e Gezaghèber i òf si por pone un otro parti serka e minister di BZK. E Representante di Reino sinembargo tin mas ku solamente tarea di supervishon, manera un ròl di kordinashon ora ta trata desaster i krisis suprainsular. Ta te na momentu ku a garantisá tur tarea i a regla a suseshon di un bon forma, por eliminá e funshon di Representante di Reino.</p>
<p>6. Sòru ku e Minister di BZK – banda di e ròl di kordinashon ku e ta desempeñá – ta ehersé primariamente kompetensianan di supervishon.</p>	<p>E Gabinete ta di akuerdo ku e liña general di e rekomendashon aki.</p>
<p>7. Pèrkurá pa modèlnan diferensia di supervishon den e WolBES i e FinBES, i tambe den kriterionan a base di kua por disidí kua modèl di supervishon mester apliká i pa un base pa designá e modèl ei ora ta trata di algemene maatregel van bestuur (medida general di gobernashon) pa e isla konserní.</p>	<p>E Gabinete ta tuma e rekomendashon aki over i ta prepará un kambio di lei pa inkorporá diferente modèl di supervishon i gobernashon for di Hulanda Oropèo den lei. Den e elaborashon lo wak minusiosamente kon lo duna esaki forma presis i a base di kua kriterio lo apliká kua grado di supervishon.</p>
<p>8. Investigá kon por lòs e medionan finansiero pa duna un empuhe na e koperashon entre e Entidatnan Públiko i e paisnan di Reino.</p>	<p>E Gabinete ta di akuerdo ku e liña general di e rekomendashon aki. Komo parti di e agèndanan di ehèkushon e islanan ta determiná unda nan ta mira mas balor pa koperashon ku e paisnan denter di Reino. Si tin opstákulo den e regulashon pará den kaminda di e koperashon, lo wak pa kada kaso apart òf i kon por kita e opstákulonon aki.</p>
<p><b>Perspektiva final</b></p>	
<p>9. Proveé un base legal pa e pago liber si ta un hecho ku esaki ta suficiente pa e ehèkushon di e tareanan legal ku ta ferwagt e gobièrnunan insular di ehersé.</p>	<p>E Gabinete no ta tuma e rekomendashon aki over awor aki ainda. Na momentu ku ta fihá ku e nivel di e pago liber ta pas serka e pakete di tarea di e islanan, e Gabinete lo wak si un base legal pa e pago liber ta nesesario.</p>
<p>10. Pone e pagonan spesial huntu mas tantu posibel i simplifiká e obligashon di responsabilisashon.</p>	<p>E Gabinete ta tuma e rekomendashon aki over. Pa redusí e gastunan atministrativo lo wak si por hunta gastunan insidental di mas aña i inkorporá den kontribushonnan struktural. Lo hinka e ehersisio aki serka e presupuesto pa 2021.</p>
<p>11. Sòru pa un ròl di kordinashon pa e Minister di BZK dor di fortifikashon di e struktura di konsulta eksistente i di e sosten di ámtenar i hasi palabrashonnan di trabou konkreto riba esei den e konseho di ministro.</p>	<p>E Gabinete ta di akuerdo ku e liña general di e rekomendashon aki.</p>

12. Instalá un komishon di evaluashon i evaluá despues di sinku aña.  
Embolbí e islanan minusiosamente den esaki.

E Gabinete ta di akuerdo ku e liña general di e rekomendashonnan aki. E Gabinete ta proponé pa monitor e agèndanan di ehekushon kontinualmente durante e ehekushon i pa adaptá kaminda ta nesesario. Esaki ta pas den e aserkamentu pragmátiko.

<b>Investigashon di Maneho Interdepartamental di Relashonnan di Reino</b>	
<b>E aserkamentu di maneho</b>	
<b>Rekomendashon:</b>	<b>Reakshon di Gabinete:</b>
1. Desaroyá un vishon integral (kermen ku e terenonan di maneho sinkronisá ku otro) i pa henter Reino (keirmen tur Ministerio i Entidat Públiko ta partisipá) pa loke ta toka Boneiru, Sint Eustatius i Saba, pa kada isla apart i komo total. Ta bini un kontesta kla riba preguntanan fundamental tokante e repartishon di tarea ku e islanan, e nivel di e fasilitatnan públiko i e prioridatnan di maneho pa e añanan benidero.	E Gabinete ta di akuerdo ku e liña general di e rekomendashon aki. Ta hinka e preguntanan fundamental manera verbalisá den e IBO, den e preparashon di e agèndanan di ehekushon.
2. Re-evaluá e divishon di tarea eksistente for di 2010. Ku e punto de referensia nobo nos lo realisá a base di e prinsipio di subsidiaridat ku e partido mas apropiá (Reino òf islanan) ta ehekutá un tarea partikular i ta responsabel pa esaki.	E Gabinete ta tuma e rekomendashon aki over. E Gabinete lo bai klarifiká i re-evaluá e divishon di tarea eksistente den fase, den ekstenshon di e agèndanan di ehekushon, huntu ku e Entidatnan Públiko.
3. Amplia e kompreshon pa i e konosementu di e situashon lokal, manera e diferensianan den forma di traha, kultura, ekonomia i retonan, tumando nota ku e tres islanan ta diferensia supstansialmente entre nan. Dor di tin bon komprondementu di e situashon lokal i kompreshon i rèspèt mutuo (keirmen tantu den Hulanda Oropeo komo tambe den Hulanda Karibense) pa e diferensianan entre nan, maneho lo ta mas efisiente i mas efikas i lo gana na sosten.	E gabinete ta tuma e rekomendashon aki over. E Ministerio di BZK lo fasilitá traspaso di konosementu i interkambio.
<b>E Rekomendashonnan finansiero</b>	
4. Amplia kompreshon di e gastunan total di Reino na Hulanda Karibense. Ku un imágen integral di tantu e presupuesto komo e responsabilisashon, nos por hasi e relashon entre e gastunan di Reino i e maneho hibá pa Hulanda Karibense mas transparente.	E Gabinete ta tuma e rekomendashon aki over. Riba e mesun liña e Gabinete ta tuma e siguiente medidanan: <ul style="list-style-type: none"> <li>- Ta amplia e 'Resúmen gastunan di Reino Hulanda Karibense' non-kontabel serka e presupuesto di BZK;</li> <li>- Na e resúmen aki ta agregá un splikashon tokante e manera di finansiamentu konektá ku e metanan di maneho aspirá;</li> </ul>
	- Ta hasi distnshon entre fluhonan di sèn pa tareanan insular versus tareanan di Reino i entre pago insidental i struktural.

<p>5. Hasi mihó uso di e momentu di tuma desishon prinsipal di Gastunan di Reino CN. Pa promové e evaluashon integral i priorisashon, e Grupo di trabou ta konsehá pa utilisá e momentu di tuma desishon prinsipal di Gastunan di Reino CN mas mihó i pa konektá e prosesonan di tuma desishon den e struktura di NAO proponé (wak kapitulo 2 di parti 2) na esaki.</p>	<p>E Gabinete ta tuma e rekomendashon aki parsialmente over. E Gabinete ta mantené e struktura di konsulta departamental aktual i ta bai diskutí tur kambio di maneho dirigi riba Hulanda Karibense na e momentunan di presupuesto apropiá den e grupo di guia Hulanda Karibense.</p>
<p>6. Amplia e propio responsabilidat di e Entidatnan Públiko dor di fortifiká e Fondo-BES i e presupuestonan insular. Ora tin un palabrashon tokante e nivel i tipo di nivel di fasilidat i di e divishon di tarea pa henter Reino, mester adaptá e sistema di referensia di e Fondo-BES pa esaki. Den esaki lo mester tin atenshon tambe pa e finansiamentu di mantenshon i remplaso di fasilidatnan públiko.</p>	<p>E Gabinete ta di akuerdo ku e rekomendashon aki. Ora ta prepará e agèndanan di ehekushon ta inklui e divishon di tarea i e finansiamentu di tarea tambe.</p>
<p>7. Fortifiká e komprension di e finansa insular dor di OBU i FOG. Tantu BZK komo e Entidat Públiko tin tiki bista den e diferente fluhonan di sèn (departamental) pa e Entidat Públiko. Pa e motibu ei ta importante ku BZK anualmente manda un Resúmen Pagonan Partikular (OBU, Overzicht Bijzondere Uitkeringen) pa Kamer conforme e stipulashon legal, kaminda e departamentonan ta presentá tur fluho di sèn pa e Entidatnan Públiko na BZK.</p>	<p>E Gabinete ta tuma e rekomendashon aki over. E Ministerio di BZK lo manda un OBU anualmente pa Kamer.</p>
<p>8. Utilisá e instrumento di e fianza liber di interes mas mihó. E FinBES ta limitá e posibilidat pa tuma fianza serka i duna fianza dor di Entidatnan Públiko. E grupo di trabou ta konsehá pa investigá opshonnan di maneho pa kumpli ku e nesesidat di fianza, kaminda mester hasi diferensia den e elaborashon entre (e deseabilidad i e forma di) hasi fianza dor di e Entidatnan Públiko i empresanan públiko:</p>	<p>E Gabinete ta tuma e rekomendashon aki parsialmente over. E instrumento di e fianza liber di interes awor aki ta funshoná insufisiente i e gabinete ta bai re-evaluá e instrumento aki. Banda di esei e gabinete ta investigá e posibilidatnan pa Entidatnan Públiko i empresanan públiko di e Entidatnan Públiko pa tuma fianza riba e merkado di kapital oropeo hulandes òf serka e Ministerio di Finansa bou di kondishonnan estrikto.</p>
<p><b>E ròl di kordinashon mehorá</b></p>	
<p>9. Mehorá e ròl di kordinashon di e Ministerio di BZK conforme un ret di organisashon, dor di laga e departamento tuma un ròl di direkshon fasilitario den e koperashon strukturá ku e otro ministerionan.</p>	<p>E Gabinete ta di akuerdo ku e liña general di e rekomendashon aki. Ora ta yena e contenido di e agèndanan di ehekushon e Gabinete lo wak en konsulta ku e gobièrnunan insular si por enbolbí trahamentu ku cluster di tema i triggers den esaki.</p>

Dor di operá komo Reino manera un solo tim ku mantenshon di e propio responsabilidat ministerial, por bèrdaderamente realisá e metanan formulá pa Hulanda Karibense den e vishon integral i di henter Reino.	
10. Organisá un proseso di tumamentu di desishon ofisial, adishonal na e modèl di koperashon di e ret di e organisashon. Mehorashon di e bista riba e tumamentu di desishon di i pa tur departamento konserní. Asina ta promové un aserkamentu inkluso.	E Gabinete no ta tuma e rekomendashon aki over. E Gabinete ta mantené e forma di trabou aktual ku un grupo di guia Hulanda Karibense i un Konsulta di Mandatario Hulanda Karibense (Bewindsliedenoverleg Caribisch Nederland).
11. Monitor e ehekushon i midi e efektonan di e vishon integral i dor di esei e ehekushon di e tarea di kordinashon di e Ministerio di BZK. Dor di organisá esaki strukturalmente por hasi e resultatonan di e maneho transparente, por garantisá (òf mehorá) e kalidat di e ehekushon i por inkluí e efektonan den e siguiente siklo di maneho.	E Gabinete ta tuma e rekomendashon aki parsialmente over. E Gabinete ta bai monitor e ehekushon di e agèndanan di ehekushon koutelosamente.
<b>Finalmente</b>	
12. Nombra un kwartiermaker di parti di BZK i pa enkargo di grupo di guia CN ku lo realisá en relashon ku e rekomendashonnan di e Grupo di trabou, den un plaso di tempu kòrtiku, e mehorashon di e ròl di kordinashon di e Ministerio di BZK dor di introdukshon di un plan di aserkamentu i dor di preparashon di reglamentonan.	E Gabinete no ta tuma e rekomendashon aki over. E ròl di kwartiermaker ta parti di e ròl di kordinashon di BZK.

Lenk pa tur dokumentashon: <https://www.rijksoverheid.nl/documenten/kamerstukken/2019/10/04/kamerbrief-met-kabinetsreactie-op-de-voorlichting-van-de-raad-van-stat-een-interdepartementaal-beleidsonderzoek-kr>